**摘藻堂四庫全** 

書薈

**要** 经 部

欽定四庫全書首要易傳卷五

詳校官祭酒日幸誠恒



欽定四庫全書首要卷四十三經部 **風柔乘五剛也字號有属其危乃光也** 暴揚之於王之庭此其勢有不便者故五陽雖相信 也上六之所乘者九五之剛所謂王也欲決上六必 易傳卷五 五陽而一陰陰至寡弱而皆重於決者以其得所附 **牧往采日夬決也剛決柔也健而説決而和揚于王** 易等

告自己不利即我所尚乃窮也 利有攸往剛長乃終也 色者民之所在也與小人處必先附其民彼无民将 危所以光也 足雖强有所止矣故其所尚乃所以窮也 即也此所以不窮也自以為不足雖弱有餘自以為 无與立式上六也五陽之强足以即之有餘然而不 而不忘警以為有危道馬號者所以警也在强而知

一 欽定四庫全書

象日澤上於天夫君子以施禄及下居德則思 初九肚于前趾往不勝為谷象曰不勝而往咎也 辭立其誠所以居業也澤上於天其勢不居故君子 君子之於禄利欲其在人德業欲其在已孔子曰脩 陽盈則爱溢溢則爱覆故利有攸往往則有所施用 大肚之長則為去故去之初九與大肚之初九无異 所以求不盈也 以施禄不以居德

文·司司·司 九上

易等

豈復決潘而遂我哉君子之動見勝而後往故勝在 異也曰前者通大壮之解也必通大壮而為解者明 也大壮之初九日壮于趾而央之初九日壮于前趾 往前不能少勝而往宜其為咎也 朋也觸而遇其朋是以決潘而逐之因以為用共之 其所此同而所遇異也大壮之初九施壮于震震吾 初九施壮于兄兄非吾朋也苟不能勝則往見牽矣 二者皆有羊之象見於其所施壮之交是以知其无

金万四月往書

卷五

象曰君子共共終无咎也 九三壮于傾有凶君子去去獨行遇雨若濡有愠无咎 九二傷號莫夜有成勿恤象日有我勿恤得中道也 皆稱其得中 忘警能警而不用得中道矣與大壮九二貞吉同故 我上六也楊號莫夜警也有我勿恤静也能静而不 凶之道矣易凡稱其尤者申言之乾乾謙謙蹇蹇之 上六為臀故九三為煩與小人處而壮見于面顏有 易博

次且位不當也聞言不信聰不明也 九四臀无膚其行次且牽羊悔亡聞言不信象曰其行 者也何嫌於私其配也哉的舍其朋而獨行以答其 類是也九三之所以見壮于面顏者避私其配之嫌 上六九四之所謂臀也困之六三據于族藝故初六 也故告之以不然曰九三之君子以陽居陽共之尤 心而愠者然終心无咎 配使上六之陰和治而為雨以至於濡雖有不知我

歃

定四庫全書 |


卷五

後将无不可疑故聞言不信 觸我我牽而糜之莫肯釋則懼者衆矣雖其左右前 與大壮九四既悔亡而得壮襲哉夫君子惟能釋怨 而收士故為之聰明者衆大壮之九四是也今初九 之悔也而能牵之故悔亡雖能悔亡而聰不明矣孰 故其行次且而不安也羊者初九也初九之觸則我 謂其同體之末者為臀也與眾陽處而同體者見決 之臀困于株水共之上六見去故九四之臀无庸皆

大 Nul B Lat du dula -

易傳

上六无號終有凶衆曰无號之凶終不可長也 九五見陸去共中行无咎象日中行无咎中未光也 者與九四均爾然不至於次且者以其剛之全也剛 之全者則不成其同體之傷矣故九四之象以為位 中行者反與四陽處而釋上六也此與上六為同體 也於所不足共用共之左雖中而未光故中行无咎 上六之不足去見如陸也九五以陽居陽共之尤者 不當也



則建午之月品物咸章之際也易日萬物相見乎離

not in the letter

易傳

<u>5</u>

剛遇中正天下大行也好之時義大矣哉 剛者二也中正者五也陰之長自九二之亡而後為

遇中正天下大行也

世上有君下有臣君子之欲有為无所不可故日剛

避始无臣也自九五之亡而後為剥始无君也好之

古有攸往見山贏承孚蹢躅象曰繁于金桃柔道牵也

剛而能止物者謂之金根九二是也初六之勢足以

象曰天下有風如后以施命語四方初六繫于金根貞

九二包有魚无咎不利實象日包有魚義不及實也 無獲五陽然其始遇而合者九二也既合不貞又捨 者主求民之時非民求主之時也故近而先者得之 遠而後者不得也不論其應與否也嫌其若有咎故 馬以其贏而信之則蹢躅而不可制矣 往見為山初六者贏豕也雖贏而不可信者以權在 魚者初六也包者魚之所不能脱也實者九四也好 而之他則終身无所容矣故以繫二而貞為吉有所 易寺

九三臀无膚其行次且厲无大咎象曰其行次且行未 曰无咎 卷五

故其象同九三之所謂臀者初六初六剥陽而進者 以姤之初六為夬之上六則姤之九三夬之九四也

也處衆陽之間而同體者有剥陽之陰宜其次且而

而九三无是也故雖危无大谷而象曰行未牵也

不安也共之九四下牵初九之年故有聽不明之谷

有隕自天志不舍命也 九五以把包瓜含章有陨自天象曰九五含章中正也 九四包无魚起凶象曰无魚之凶遠民也 不至幸而遇喬木則雖欲抑之不可得矣故授之以 之為物得所附而後止不得所附則攀援而求无所 也把枸檵也木之至庫者也包瓜者龍而有之也几 金桃也包也把也皆九二也承也魚也瓜也皆初六 既已失民起而爭之則凶

上九姊其角各无谷象曰姊其角上躬各也 **盆定四庫全書** 把則把能籠而有之把之所至心之所及也九五者! 之至者天不能勝也 以命廢志故九五之志堅則必有自天而隕者言人 姊之主也知初六之勢将至於剥盡而後止故授之 陰長而消陽天之命也有以勝之人之志也君子不 而九五以至陽而勝之故曰舍華凡陰中之陽為重 以九二九二之所至初六之所及也姤者陰長之卦 卷五

有廟致孝享也利見大人亨聚以正也 11一九上本亨王假有廟利見大人亨利貞用大牲吉 利有攸往录曰萃聚也順以説剛中而應故聚也王假 故萃者争之大也盍取其爻而觀之五能萃二四能 易曰方以類聚物以羣分有聚心有黨有黨心有爭 故各无咎 剛之上窮者角也姊其角以是為姊也以角為姊物 之所不樂遇也小人雖不能合而君子二无自入馬 易専

一金定四庫全書 未見大人也則亨而不正不正者争非其有之謂也 為萃乎曰足矣有餘矣從我者納之不從者付之其 萃也大美順以說剛中而應者二與五而已而足以 華上此豈非其交爭之際也哉且天下亦未有萃干 萃初近四而无應則四能萃三近五而无應則五能 所欲從此大人也故萃有二亨萃未有不亨者而其 不幸於我而天下之能幸物者非我莫能容之其為 一者也大人者惟能因其所萃而即以付之故物有 卷五

用大姓吉利有攸往順天命也 坐而享之則過矣故利有攸往順天命也 易之言薦盤輪享非正言也皆有寄馬用大牲者猶 所用者不可小矣天之命我為是物主非以厚我也 道而已王至於有廟而盡其孝享非安且暇不能物 日用大利禄云商易曰何以聚人曰財所聚者大則 見其安且服安得不聚而歸之此聚之正也 易事

故曰利見大人亨聚以正也大人者為可以聚物之

象日乃亂乃萃其志亂也 象曰澤上於地萃君子以除戎器戒不虞 初六有孚不終乃亂乃萃若號一握為笑勿恤往无咎 觀其所聚而天地萬物之情可見矣 是也始以无應而萃於四終以四之有應咨嗟而去 初六之所應者九四也九四有信之者而不終六三 王弼曰聚而無防則衆心生 不期而聚者必其至情也

卷五

六二引吉无谷字乃利用繪象曰引吉无谷中未變也 變志以從上者也故九五引之而後從引之而後從 陰之從陽以難進為吉六二得位而安其中不急於 為我寇哉故勿恤往无咎 則先號而後笑未有號笑雜者也此其志已亂馬能 之於禍福審美故笑則不號號則不笑先否而後通 握為笑者號且笑也一握者其聲也號笑雜也君子 易傳

之故其象曰萃如嗟如此志亂而的聚者也若號

六三萃如嗟如无攸利往无咎小各象曰往无咎上異 金灰四庫全書 ] 哉故上用大姓而下用為以為有重於此者矣 亦无應巽而納我者也故雖小吝而无咎 六三之萃於四四與我與初皆不利也去而之上上 故用於既信之後上以利禄聚之下豈以利禄報之 則其聚也固是以吉而无復有咎編者禮之薄者也 卷五

九四大吉无咎象曰大吉无咎位不當也

光也 九五萃有位无咎匪字元永貞悔亡象曰萃有位志去 者未有能容此者也故曰萃有位无咎存位以忌四 能忘位以任四則四且為吾用而二陰者獨何往哉 為无咎而已忘不光矣惟大人為能忘位以任四夫 九五萃之主也萃有四陰而九四分其二以位為心

非其位而有聚物之權五之所思也非大吉則有咎

一 飲定四庫全書 上六齊咨涕演无咎象曰齊咨涕凍未安上也 從悔亡之道也 歷字者非其所字也元者始也元永貞者始既以從 非我之所写則我不求聚使各得永貞於其始之所 之則終身為之貞也自六二之外皆非我之所孚也

升巽而順剛中而應是以大亨用見大人勿恤有慶也 ||||||||||坤上升元亨用見大人勿恤南征吉家曰柔以時 未安上者不樂在五上也 一飲定四庫全書 一个 南征吉志行也 象曰巽而順剛中而應是以大亨而六五為升階由 故不曰利雖不利不可不見也見而知畏其為利也 大矣利之遠者曰廣以其有慶故雖有畏勿恤也 順質柔而遇易志得而輕進以此見大人所畏者也 大亨大人之於物也危者安之易者懼之下巽而上 升也有時故曰柔以時升坤既順之五又應之是以 異之為物非能破堅達强者也幸而遇坤故能升其 易傳 <u>+</u>

大吉象曰允升大吉上合志也 象曰地中生木升君子以順德積小以高大初六允升 能之資而遇九二宜其為吉之大者矣 而遇陽若陽升而遇陰皆得其所升者也初六以誠 所以為升者異也所以為異者初也升之制在初故 坤坤之求巽皆會於南南征吉二者相求之謂也 初六雖陰柔而其於升也盖誠能之故曰允升陰升 此觀之非獨異之上即坤亦坤之下援異也異之求

九三升虚邑象白升虚邑无所疑也 九二字乃利用福无谷象曰九二之乎有喜也 至弱其為禍福未可知也存乎其人而已 也審矣故曰升虚邑无所疑也不言吉者以至强克 九三以陽用陽其升也果矣六四以陰居陰其避之 五窮而之五五亦无所升而納之故薄禮可以相麼 九二升而遇九三益升而窮者也雖窮於三而配於 而无咎也

. R 正日 1年 在 Auto 1

易傳

士

六四王用亨于政山吉无谷象曰王用亨于岐山順事 去幽也豈知百姓之相從而不去哉亦以順物之勢 非仁人其孰能為此大王避狄於幽而亨於岐方其 所納此人情必争之際也然且不争而虚邑以待之 也人或能之今六四下為三之所升而上不為五之 上有所適下升而避之失於此而價於彼雖不爭可 而已以此獲吉夫何咎之有

六五貞吉升階象曰貞吉升階大得志也 Control of the Alia 上六冥升利于不息之貞衆曰冥升在上消不富也 冥者君子之所息也升至上六宜息也然而不息則 階而升異則六五為得志矣 能升而土以生木為功未有水生而土不願者也故 升之我不為階而人何自升哉木之生也克上而後 曰此升之階也階者有可升之道馬我惟為階故人 貞者貞於九二也異之所以能升者以六五之應也 易傳

111一九上田亨貞大人吉无咎有言不信承曰因剛揜 者多矣然皆有以侵之夫惟侵之是以陽不能堪而 所揜故困困者坐而見制无能為之辭也陰之害陽 九二為初六六三之所換九四九五為六三上六之 之有命求在外者此不息之不正者也 会則失之求在我者此不息之正者也求之有道得 一金灰四庫全書

消之道也施於不息之正者則可孟子曰求則得之

中也 有言不信尚口乃窮也象曰澤无水困君子以致命遂 險以說因而不失其所亨其惟君子乎貞大人吉以剛 剛中者二也二之謂大人貞於大人而後吉者五也 深矣 至於戰戰者有危道也而无所謂困困之世惟不見 侵而見揜除有以消陽而陽无所致其怒其為害也 易博 15

幽不明也 初六臀困于株木入于幽谷三歲不觀象日入于幽谷 九二必将有待於六三六三則其所謂臀也臀得其 其所至也 水潤下者也在澤上則居在澤下則此矣故水在澤 所據而後其身能有所為今六三之所據者族藝也 初六擀九二者也擀者非一人之所能故初六之擀 下為澤无水命與志不相謀者也故各致其極而任

· 金定四庫全書

卷五

于酒食中有慶也 九二困于酒食朱級方來利用享祀征凶无咎象曰因 困之世利以柔用剛二與五皆剛者也二以柔用之 而五以剛用之天下之易懷者惟小人也方其見揜 得見也 則臀已困於株本身且廢矣株木也茶藝也皆非賢 誰明之入谷者也有配在四而不善二是以三歲不 之所據者也夫以柔助剛則其幽可明以柔揜剛其 易專

金定四库全書 | 赤綾為困而二以是為方來言此五之所困而二之 晚矣說於未困則其所以為說者小故九二之所困 所不求而至也因而求二乃徐有説以其用說為已 換我下者我劓之擀我上者我別之輕用其威威窮 可得矣赤紱者所以爵命二也故曰困于赤紱五以 餘矣故九二困于酒食所以懷小人也九五則不然 也争之以力雖刀鋸有不足而将懷之也則酒食有 而物不服乃大困也既因而无助則雖欲不求二不 卷五

六三困于石據于族勢入于其宫不見其妻凶象曰據 于族華乘剛也入于其宫不見其妻不祥也 六三上擀四下擀二者也堅而不可勝者石也四之 義則不可咎以其所從者君也 享之而已享之者固不征而征以求之故凶雖然其 之者人也享之者神也五求二故祭之二不求五故 之所因者爵命也祭祀者人之求神而神无求也祭

者酒食而已說於已因則其所以為說者重故九五

一 飲定四庫全書 雖不當位有與也 九四來徐徐困于金車各有終象曰來徐徐志在下也 謂石傷而不可據者蒺藜也二之謂蒺藜六三陰也 在上而上六非其應也宮則是矣而非其妻故曰入 其始相與締交而擀剛其終初六之臀困六三之妻 于其宫不見其妻山小人易合而難久故困之三陰 而居於陽自以為陽而求配於上六不祥也三之應

福也 象日劓別志未得也乃徐有説以中直也利用祭祀受 九五劓別困于赤級乃徐有說利用祭祀 用九二也 其曰赤紱正也朱紱嚴之也下受上之辭也 配配之所怨剛之所與也故雖各而有終 為金車放下從初六而困於二故其來徐徐不急於 初六我之配二之所惡也二剛而在下載已者也故 易傳

我曰困于葛 龍未當也 上六困于葛藟于縣旋曰動悔有悔征古 也五之謂熟碗上六困於此二者而不能去則謀全 柔而牵已者葛藟也三之謂葛藟剛而難乘者臲於 柔用剛則乘之者至以為蒺藜以剛用剛則乘之者 以為臲碗而己 有悔也上无揜我者則吉莫如征也而不征何哉以 之過也曰不可動動且有梅而不知其不動乃所以

鱼灰匹

庫全書

也改色不改并乃以剛中也汽至亦未編并未有功也 未編井贏其瓶山象曰巽乎水而上水井井養而不窮 蘇其無是以凶也 ■■ 與上井改邑不改并无丧无得往來并并汽至亦 動悔有悔吉行也 存乎已存乎人者二存乎已者一故曰往來并并汽 食者往也不食者來也食不食存乎人所以為井者

上六足以為配而六三未足以當也

初六井泥不食舊井无禽象曰井泥不食下也舊井无 象日木上有水井君子以勞民勸相 歃 禽時舍也 定四庫全書 相 阚 燥也至井而未及水曰汽至得水而未出井曰未編 并并未嘗有得喪觸并之為功羸瓶之為凶在汲者 人之於并未有錮之者也故君子推是道以勞民勸

井廢井也其始无人其終无禽无人猶可治也无禽 新故不窮并泥者无禽之漸也泥而不食則廢矣禮 養則日亡擇居所以養也家曰井養而不窮所以養 易以所居為邪正然不可必也惟井為可必并未有 井者豈有他哉得其所居則潔潔則食食則日新日 惡之所鍾也君子所受於天者无幾養之則日新不 決矣孔子曰君子惡居下流天下之惡皆歸馬初六 在潔而不清處穢而不濁者也故即其所居而邪正

¥飲定四庫全書 / 九二井谷射斜甕敝漏象曰井谷射鮒无與也 九三井洪不食為我心側可用汲王明並受其福泉曰 者初六也初六之謂鮒井而有鮒則人惡之矣然猶 得志於甕何也彼有利器而肯以我行之敗此必敝 谷之道也失井之道而為谷故日井谷九二之所趨 九二居非其正故无應於上則趨下而已也下趨者 漏之發非是發不沒是井也 不可治也所以為并者亡矣故時皆舍之

井洪不食行惻也求王明受福也 哉其惟器之潔者乎器之潔則王之明者也器潔王 散漏之 獲所能容矣故擇其可用及者曰孰可用者 明則受福者非獨在我而已 侧行侧者明人之 侧我而非我之自侧也是并則非 洪潔也九三居得其正井潔者也井潔而不食何哉 不食為戚者也凡為我惻者皆行道之人爾故曰行 不中也不中者非邑居之所會也故不食井未有以

六四井發无咎象曰井發无咎脩并也 飲定四庫全書 / 九五井河寒泉食象曰寒泉之食中正也 此其正與九三一也所以食者中也 井也井待是而潔故无咎 居其間而不失正故曰楚爱之於井所以智惡而潔 動也實也并者泉之所寄也静也虚也故三陽為泉 脩潔也陽為動為實陰為静為虚泉者所以為井也 三陰為井初六最下故曰泥上六最上故曰收六四

息二女同居其志不相得日華已日乃乎華而信之文 明以説大亨以正華而當其悔乃亡 ||| 離下華已日乃孚元亨利貞悔亡象日華水火相 上六井收勿幕有孚元吉象曰元吉在上大成也 水火則有男女之象然後能相生此非水火也二女 故勿幕則有孚元吉 **尚幕之則下雖有寒泉而不達上雖有沒者而不獲** 收者凳之上窮也收非所以為井而井之權在收夫

欽定四庫全書 人

易傳

Ŧ

前 畏也而金非火則无以就器用器成而後知火之利 華之矣火能革金離華見者也故曰華火者金之所 之不信是以知悔者華之所不能免也特有以亡之 也故夫華不信於華之日而信於已華之日以其始 不相違則不能无相攻攻而不已必有一勝勝者斯 離離欲上而遇免雖欲相違而不能也既不相得又 同居而已二女同居則峻所以不晓者兑欲下而遇

大矣哉象曰澤中有火革君子以治歷明時 初九鞏用黃牛之華象曰鞏用黃牛不可以有為也 天地革而四時成湯武革命順乎天而應乎人革之時 火也而六二者火之所附初九九三之所欲革者也 華人而六二上六者人華之初九九三所以為華者 六爻皆以陽華陰故初九九三九四九五四者所以 歷者天事也時者人事也 以卦言之則離華兒者也以文言之則陽華陰者也 易傳

一金定匹庫全書 六二巴日乃華之征吉无咎象曰己日華之行有嘉也 見革也无日矣六二之欲去如遇之九三之欲遇也 火以有所附為利而所附者以得火為災故初九九 故初九當用遜之六二所以執九三者固而留之六 有為則革之之意見矣 初九之所以固我非爱我也畏我去之故未見其革 二之所以去者以我有華之之意也故不可以有為 三常願六二之留而不去也夫六二苟留而不去其

九三征凶貞厲革言三就有孚象日革言三就又何之 古也豈復有咎哉 嘉者五也五之所以為革者與初異矣捨初從五其 爾徒見其今之固我而不我華以為可信而與之處 九三有應於上故其意常欲征也六二之所以不得 征吉為初九計則宜留自為計則宜征六二之所謂 則及矣君子見幾而作彼今日不革已日心革之故

K N. D wat do dun ( )

易傳

金页四月白雪 去者以我東之也捨之而征則二去矣二苟去之則 我與初九无所施其革二陽相灼而喪其所附則窮 相疑此必然之勢也故曰華言三就有孚 之道也故征山貞属貞者不征之謂也不在則與六 二之不可去也二存則初與三相信二去則初與三 以也革言三就猶曰革以三成三者相持而成革明 二處而不相得以相革者也故危雖危而不凶言者 卷五

九四悔亡有爭改命吉泉曰改命之吉信志也

於定四車全書 九五大人虎變未占有孚象曰大人虎變其文炳也 華也以說華而人莫不說非有德者其熟能之九四 易曰雲從龍風從虎虎有文而能神者也豹有文而 也改命者始受命也雖未當位而志自信矣 未當位者也未當位而革故悔革而說故悔亡有爭 九九三皆以六二之留為吉也上之二陽則不然其 下之二陽以大為華者也故見華者惟欲去之此德 不足者也德不足而革則所革者亡革者亦凶故初

其文蔚也小人革面順以從君也 上六君子豹變小人革面征凶居貞吉象曰君子豹變 未華乃其避世之遇爾豹生而有文豈其无素而能 皆段人以自成於人以自興故人之從之也疑見其 上六見革於大人者也此見革者君子也則其向之 可從而後信若大人之華也則在我而已炳然日新 不能神者也故大人為虎君子為豹非大人而革者 天下之所謂文者自廢矣此豈待占而後信者哉

文尼日睡 21 4.15 ||| 雞上縣元古亨家日鼎泉也 者可見也聖人之創業其所以創之者不可見其成 **象者可見之謂也天之生物不可見既生而剛強之** 就熟好使之堅凝而不壞者可見也故象曰君子以 正位凝命革所以改命而遇所以凝之也知革而不 上之二陽大人也故上六以征為凶 易傳 主

為之哉若小人也則革面而已朝為寇響莫為腹心

无足怪者下之二陽德不足者也故六二以征為吉

巽而耳目聰明柔進而上行得中而應乎剛是以元亨 以木異火亨飪也聖人亨以享上帝而大亨以養聖賢 大器非器也大亨非亨也取鼎之用而施之天下謂 元亨所謂元吉亨也柔進而上行者五也五得中而 流泛而不可知矣 之大者也國有聖賢則君位定而天命固矣 之大亨男之用極於享帝而已以其道養聖賢則亨 知鼎則上下之分不明而位不正雖其所受於天者

貴也 象日水上有火鸡君子以正位凝命初六鸡類趾利出 否得妾以其子无咎象曰問題此未恃也利出否以從 應乎剛則所以為耳目者異也 食而後已茍有不善者在馬則善與不善皆亨而並 之象也夫男聖人将以正位凝命亨而熟之至於可 六爻皆馬也當其處者有其象故以初為趾二與三 四為腹而實在馬五與上為耳初六上應九四顛趾

易傳

實聖人之於人也責其身不問其所從論其令不考 實非吾之所欲棄也於是馬而顛之以其所欲棄出 熟而善者棄矣與於是未有實也故及其未有實而 擇之太詳求之太備天下无完人故曰得妾以其子 其素的解且角犂牛之子可也問雖以出否為利而 與之以出其不善如待其有實則夫不善已行之矣 未悖也類趾而出否盡去之道也盡去之則思得无 其所不欲棄則天下之亂或自是起矣故曰門顛趾

一 欽定四庫全書 之也我仇有疾然无た也 九二門有實我仇有疾不我能即吉象曰門有實慎所 其未足而輕用之也故曰男有實慎所之也 不能即之則不食之道也始有實者以不食為吉惡 而不能即我畏九四也則以耳行故耳能即之則食 五之所舉也故其象曰門黃耳中以為實也仇有疾 九二始有實者仇者六五也所謂耳也九二之實六 无咎從其子之為貴則其出於妄者可忘也 天

耳革失其義也 九三遇耳華其行塞維膏不食方雨虧悔然吉象曰思 革者也耳之受炎也足以廢塞其行而不足以革故 六五之耳可鼓而上九之耳不可鼓則六五雖欲獨 矣而其行廢故雖有维膏而不食也耳以兩舉者也 日馬耳華失其義也九三實之将盈者也於是可食 之熟物以腹不以耳而上九離之極火之所炎以耳 耳上九也九三之實上九之所舉也熟物之謂革則

九四遇折足覆公餗其形渥凶象曰覆公餗信如何也 to all a not be duta | 溢則覆矣故孔子曰德薄而位尊知小而謀大力少 及其已信則无如之何矣 而任重鮮不及矣方其未及也必有告之者而不信 地也故九三以不食為爱明不可復加也至於九四 **馬之量極於四其上則耳矣受實心有餘量以為溢** 然後悔虧而終吉雨者陰陽之和玉鼓之功也 舉得乎陰欲行而陽欲留其為悔也大矣故至於西

易傳

六九

男王 敏大吉无不利衆日王 鼓在上剛柔節也 六五男黄耳金鼓利貞象曰鼎黃耳中以為實也上九 金灰四月白言 中而不亢柔而有容故曰黄耳則其所以為鼓者以 出也在炎而不灼者玉也金則發矣六五之為耳也 則其所以為鼓者玉而後可金鼓可以及五而不可 金足矣上九之為耳也炎而灼不可以廹故曰耳革 六五上九皆所謂耳也上九之耳見於九三故不復 以及上王鉉則可以兩及矣可以兩及則上九之剛

 學家日震亨震來號號恐致福也笑言啞啞後有則也 飲定四庫全書 · 震上震亨震來號號笑言啞啞震驚百里不丧と 溢耳炎而不可舉非玉鉉不能此爲之所以養聖賢 與三之所利也以思熟物人皆能之至於男盈而爱 五之耳利在於貞而不行九三之實以不食為憂故 六五之柔我為之節也九二之實利在於不食故六 上九之耳得玉鼓則大吉无不利无不利者上與五 易克傳

象曰府雷震君子以恐懼修省初九震來號號後笑言 啞啞古 主也 其及遠也不喪七空言其和也若震而不和則心有 震者陽德之先震陰而達陽者也故亨震發西里言 僵仆隕墜者矣之や祭器也心取祭器者以見震長 子也若威而不猛則可以為祭主矣出之為言見也

震為百里驚遠而懼通也出可以守宗廟社稷以為祭

象曰震來號號恐致福也笑言啞啞後有則也 大到了 上 社 社 其恐而致福也有則者言其不遂也 以其威之不常用故知其所以震物者非以害之欲 鋒皆以逃避而後免也 終初九試而不遂者也以號號之震而繼之以啞啞一 者也故可試而不可遂試則養而無窮逐則玩而不 之笑明其不常用也惟其不常用故二陰莫敢犯其 二陽震物者也四陰見震者也震之為道以威達德 易專 丰二

六三震蘇蘇震行无情象曰震蘇蘇位不當也 厲乗剛也 六二震來属億喪貝齊于九陵勿逐七日得象日震來 金牙口近四四十二 七日得以明初九之不以威窮物也 笑言也故七日可以得所喪也喪具以明初九之威 六三不鄰於震矣而猶蘇蘇然懼也行而避之然後 逐踏于九陵以避之以初九之不遂其震而繼之以 初九之威不可犯也來則危往則安故雖喪貝而勿

事在中大无喪也 六五震往來屬億无喪有事象曰震往來屬危行也其 九四震遂泥象日震遂泥未光也 哀可坐而待也夫九四雖未可乘然往而避之則過 震於已震之後遂而不知止者也故泥泥者以言其 九四以其遂泥之威加於六五非六五之所當畏其 无肯以明初九之威能及遠也 不能及遠也故二陰皆以處而不避為吉

飲定四庫全書 / 上六震索索視矍矍征凶震不于其躬于其鄰无咎婚 媾有言象曰震索索中未得也雖凶无咎畏鄰戒也 矣故曰往來屬往來皆危則以處為安矣九四之威 未得其已哀之情故猶索索矍矍而畏之的畏之不 喪有事 六五居中處而待之非獨无喪億将有功故日億无 既已泥矣豈復能如初九一震而喪六二之具哉以 九四至此其實不能為徒襲其餘威以加上六上六

眼眼 艮其背不獲其身行其庭不見其人无咎象 第有二陰得稱婚媾也六二喪貝而五无喪六三震 威僅可以及五而不及上可以戒而无咎无庸在也 行无情而上六征凶九四之不及初也遠矣 於上六者有言而已東之甚也六爻皆无應故九四一 已而征以避之則四張而不可止矣故凶聖人知其 九四始欲以威加物及其泥而物莫之畏也則其及 不足避也故告之曰震不于其躬于其鄰言九四之

易傳

身行其是不見其人无咎也 明艮其止止其所也上下敵應不相與也是以不獲其 曰艮止也時止則止時行則行動静不失其時其道光 欽 定四庫全書 艮止也止與静相近而不同方其動而止之則靜之 所貴於聖人者非貴其静而不交於物貴其與物皆一 行則行動静不失其時其道光明此言艮之得其所 始也方其静而止之則動之先也故曰時止則止時 入於吉凶之域而不亂也故夫艮聖人将有所施之 卷五

实足日車全書 | · 皆不知也今我施止於物之所止有大於是物者則 各止於其所是果能止也哉肯止於身身與之動而 背固已止矣良何加馬所以為棍者為輪也所以為 施者也施之於天下之至動是以為頤施之於天下 上下敵應不相與也此所以行其庭不見其人也物 於固數故曰艮其止止其所也此所以不獲其身也 防者為水也今也不然為與為祝為山為防不亦近 之至健是以為大畜今夫兼山民是施之於背而已

象曰兼山艮君子以思不出其位初六民其趾无咎利 心不快象日不拯其隨未退聽也 水貞象曰艮其趾未失正也六二艮其腓不拯其隨其 挟而與之趨矣我馬得知之故曰艮其情不獲其身 其庭未當无人也有六人馬敵應而不相與則如无 上六為輔而五為勝民之輔在五而脢不取何也脢 自趾而上至於輔當其處者有其德與成一也成以 人是道也非向之所謂光明者也以為无咎而已

自動而已止而聽其上上止則止上行則行此及之 能動而聽於腓者也艮其趾不害於腓之動也趾不 於卦矣上止而用下下止而聽於上此艮之正也趾 馬故取其體之動者而不取其静以為其静者已見 體之静者而配之曰艮其背交别而觀之不見艮之 所施而各見其所遇之位位有不同而吉凶悔各生 也曰卦合而觀之見兩艮馬見其施艮於止故取其 則背也民皆取於動者而已民則何為皆取於動者

灾已可重 ....


易傳

圭

九三艮其限列其黃屬薰心象曰艮其限危薰心也 鱼只口屋在書 際所以使仰之節也貪者自上而屬於下者也良於 段雖欲行而不能矣下止而不聽於上上雖有憂患 其股執其隨隨者股之德也故謂股為隨民其腓則 三不良於股而艮於限亦取諸動者也限者上下之 艮其趾未失正也 而其之救則上之所不快也以是為失其正矣故曰 正者也故利永貞腓能動而不聽於股者也故曰咸

六四艮其身无咎象曰艮其身止諸躬也 東 三 日 華 全 書 六五艮其輔言有序悔亡祭曰艮其輔以中正也 咸之九四日明從爾思則四者心之所在也施之於 无所不及矣故曰艮其身艮得其要故无咎 口欲止言欲寡 在六四故爱之及心也謂之薰 下之極則其自上而下者絕矣上下絕心之憂也心 體則艮止於所施所不施者不及也施之於心則 易傳 主

上九敦艮吉象日敦艮之吉以厚於也 得位往有功也進以正可以正邦也其位剛得中也 |||||||展上漸女歸吉利貞永日漸之進也女歸吉也進 非天下之至厚其熟能之 忘釋疾者不忘起物之情也在止之極而不忘於動 教益也民至於輔極美而又止之故曰敦民格者不! 此文轉以次相釋也漸之中有進者則女歸之吉也 而利於正正者熟謂謂得位而有功可以正邦者也



一件也 初六鴻漸于干小子属有言无咎象日小子之属義无 於六三之凶无咎可也 六鴻之在水者也遠則无應近則遇二以陰適陰故 鴻陽鳥而水居在水則以得陸為安在陸則以得水 所属以至於有言雖然其所適非志於利也則未至 日鴻斯于干干水涯也兩陰不能相容故為小子之 為樂者也故六文雖有陰陽之異而皆取於鴻也初

六二鴻漸于磐飲食行行吉象日飲食行行不素飽也 東至日車 A tho 徒飽敷的為徒飽而已則雖三可從夫的從三則飲 飽也夫飲食何為若是樂也豈非以五之足恃而不 漸於三而漸於五則食且樂如是所行樂也素飽徒 難信其從五也雖逐而可恃二陽皆陸也在陸而尤 得其欲故擇其充可恃者從之二之從三也雖近而 六二鴻之在水者也近則遇三遠則應五无適而不 可恃以安者磐也九五之謂磐六二知五之可恃不 易傅 主

保也 征不復離羣醜也婦孕不育失其道也利用架冠順相 九三鴻漸于陸夫征不復婦孕不育凶利禦冠象曰夫 食未終而憂繼之矣 之故曰夫征不復六二之從我非正也将視我而進 无應於上而近於四見四之可欲則離類絕朋而趨 九三鴻之在陸者也而上九非其應故曰鴻漸于陸

退者也上之所為下必有甚者九三適四而不反則

六四鴻漸于木或得其桶无咎象日或得其桶順以異 木木生於陸而非鴻之所安也鴻之為物也足不能 寇之言禦寇之利以明三之不利也 六四鴻之在水者也近於五而非其應故曰鴻漸于 握其漸於水而无咎蓋得其大而有容如桶者馬九 五之謂也或者幸而得之之辭也无應而從非其配

易專

難以令於二矣故曰婦孕不育凶四順於五者而三

勝吉得所願也 金定四庫全書 | 九五鴻漸于陵婦三歲不母終莫之勝吉衆日終莫之 正邦也不求之人而求之身雖服天下可也 矣而婦為之貞如此則願孰大馬故曰進以正可以 非異順何以相保乎 之又高者也進而之陵動乎无嫌故六二之為婦也 九五鴻之在陸者也進而遇上九上九陵也陵者陸 三歲不孕而終莫之勝夫以陸之陵以為不得其願 卷五

|||| 震上歸妹征凶无攸利象曰歸妹天地之大義也 吉不可亂也 天地不交而萬物不與歸妹人之終始也說以動所歸 上九鴻漸于陸其羽可用為儀吉泉曰其羽可用為儀 容而可觀矣 漸于達漸有三陽其二為陰之所溷非其正應則近 而慕之惟上九不然夫无累於物則其進退之際雍 上九鴻之在達者也上无所適而三非其應故曰鴻 易傳

一妹也 新定四庫全書 | 征凶位不當也无攸利柔乗剛也 故哉将相與終始故也 而男少則大過之所謂老婦士夫烏肯下之夫苟不 所以交必天降也男女之所以合必男下也若女長 說少者人之情也故說以動其所歸者妹也天地之 女用事而男下之之謂也夫所以下之者豈一日之 下則天地不交男女不合矣故歸妹者女少而男長 卷五

能履吉相承也九二时能視利幽人之貞象曰利幽人 象日澤上有雷歸妹君子以永終知做 初九歸妹以娣跛能履征吉象曰歸妹以娣以恒也跛 慮之迨其泉則无及矣 歸妹女之方盛者也凡物之有做者必自其方盛而 歸妹之爻男女皆易位柔皆乗剛此男所以說女而 且男女皆不利也 致其情者權以濟事一用而止可也以此而征則凶 Į 易傳 里

之貞未變常也 新定匹庫全書 | 歸妹以陰為君在兑則六三是也而初與二其娣也

權在君所以為震者四也故權在婦權之在君也則 在震則六五是也而四其娣也所以為兑者三也故 君雖不才而娣常為之用權之在娣也則娣雖无能

為損益猶要其君六三不中而居非其位跛眇者也

其所以能履且視者以初與二屈而為之娣也二者 各致其能於六三故初九日歸妹以娣跛能履征吉

飲定四庫全書 | 哉 能而不自用使无能者享其名則九二非幽人而何 其象曰跛能履吉相承也是以知其皆娣也已有其 亦娣也其不言娣何也因初九之辭也且跛眇者一 歸妹以娣以恒也而九二之象亦曰未變常也九二 征何哉豈非上下之常分有不可易者邪故其象曰 已有能履之才不以自行而安為娣使跛者得之以 人而為之視履者二人是二人者豈可以廢一敗故 易傳 至

六三歸妹以須反歸以娣象曰歸妹以須未當也

古者謂賤妾為須故天文有須女六三不知其託行 為能視是以棄婦而用須未足以當婦也夫二姊之 於初九而自以為能履不知其借明於九二而自以

助則以跛眇見點而歸矣歸然後知用娣故曰反歸

九四歸妹愆期遲歸有時象曰愆期之志有待而行也


九四六五之娣也以為權在已故愆期不行以要其


象曰帝乙歸妹不如其娣之被良也其位在中以貴行 六五帝乙歸妹其君之袂不如其娣之袂艮月幾望吉 歸妹未有如六五之貴者也故曰帝乙歸妹以帝己 若跛者之託行眇者之借明也而九四欲以袂之良 君君猶待之有時馬而後歸此其志以為吾君必有 所待而後能行者也 之妹而履得其中則其袂之良否不足以為損益非 易專


承虚筐也 上六女承筐无實士到羊无血无攸利象曰上六无實 歸妹男女皆易位柔皆乗剛此豈永然无散者哉上 望為吉以為寧月之幾望而无寧娣之加其君也 而加之夫被之艮豈足以加其君哉月幾望者陰疑 其至情其終必有名存實亡之禍女承筐无實食不 於陽易之所惡也然至於姊之欲加其君則以月幾 六則散之所終也天地之情正大而已大者不正非


· 鱼 定 匹 庫 全 書 |


卷五











楼野 官檢討臣郭 覆校官助教臣具省

寅

懷

阑

欽定四庫全書管要易傳卷於

詳校官祭酒臣幸誠恒



思神乎 欽定四庫全書會要卷四十四經部 易傳卷六 豐者極盛之時也天下既平其勢必至於極威故曰 王假之勿憂宜日中者不愛其不至而憂其己至也 月盈則食天地盈虚與時消息而死於人乎死於 豐王假之尚大也勿憂宜日中宜照天下也日中 震上豐亨王假之勿憂宜日中象日豐大也明以 易專

·拉定四庫全書 / 泉曰雷電皆至豐君子以折獄致刑 傳口為刑罰威獄以類天之震曜故易至於雷電相 宜日之中而不宜其既中也既盈而虧天地思神之 所不免也而聖人何以處此曰豐者至足之辭也足 日无折獄无留獄取其明以止也 无豐豐非聖人之事也 則餘餘則溢聖人處之以不足而安所求餘故聖人 則必及刑獄取其明以動也至於離與艮相遇則

类也 初九遇其配主雖旬无咎往有尚象曰雖旬无咎過旬 凡人智生於憂患而愚生於安佚豐之患常在於閣

故爻皆以明闇為吉凶也初九六二九三三者皆離

也離火也日也以下升上其性也以明發閣其德也 也而有明德者也九四六五上六則所謂豐而間者

易傳

字發若信以發志也九三豐其沛日中見沫折其右肱 六二豐其部日中見斗往得疑疾有字發若吉象曰有 얾 其閣去而明全離之功既周浹矣則當去之既浹而 不去則有相疑之英九四之為人可與共憂患而不 則雖兩剛可以相受故曰往有尚言其與配同也及 可與同安樂者也 也九四以陽居陰不安於問者也方其患蔽而求發

无咎象曰豐其沛不可大事也折其右脏然不可用也

若古以陰適陰其始未有不疑者也六二雖陰而所 之閣不發則已發之則明矣故曰往得疑疾有字發 以為離明之所自出也故始疑而終信也若夫九三 閣者也夫蔽全 則患蔽也深閣甚則求明也力六五 六處高強明以自用六二之適五也適於全蔽而甚 謂沛何也二者皆陰也而六五處中居閣以求明上 部覆也蔽之全者也見斗閣之甚也沛施也蔽之不 全者也沫小明也明閣雜者也六五之謂部上六之

大 E D E 2. 4.5

易牌

當也日中見斗幽不明也遇其夷主吉行也 九四豐其部日中見斗遇其夷主吉象曰豐其部位不 夷等夷也初九之謂夷主不得其配而得其類也幽 不明者以言其闇之甚而不雜吉行者言初九之不 為无時而可發也為之用乎則不可不為之用乎則 不敢故折其右肱以示必不可用而後免也 不足故不可以大事也君子不畏其敬而畏其雜以 之適上六則適於明問雜者也用人則不能自用則

5四月白書

卷六

六五來章有慶譽吉象曰六五之吉有慶也 上六豐其屋部其家闕其户関其无人三歲不覿凶象 口豐其屋天際翔也闚其户閒其无人自藏也 其身而已故曰豐其屋部其家九三自折其右脏而 章借明於人而譽歸於己君子予之 上六翔於天際自以為明之至也而其閣則足以敬 六五以陰居陽有章者也而能來六二之明故曰來 可以人留也

**飲定四車全書** 

易傳

矣哉 順乎剛止而麗乎明是以小亨旅貞吉也旅之時義大 陽寓於其間所以為旅也小者為主而大者為旅為 自以為明者窮矣故山 莫為之用豈真无人哉畏我而自藏也三歲不顫其 主者以得中而順乎剛為亨故口小亨為旅者以居 旅六二六五二陰據用事之地而九三九四上九三

!!飲定四車全書 瑣瑣斯其所取英象曰旅瑣瑣志窮英也 象日山上有火旅君子以明慎用刑而不留獄初六旅 瑣瑣也斯禄也六二近於九三三之所取也初六窮 羁旅之世物无正主近則相依自六二至上九皆陰 故特曰旅貞吉 不取之謂也貞吉者指三陽非二陰為主者之事也 負而不取為吉故曰旅貞吉止而麗乎明則居貞而 相隣而初獨孑然處六二之下其細己甚故曰旅 易傳

Cly 九三旅焚其次喪其童僕負屬象曰旅焚其次亦以傷 之者也 日得童僕貞初六雖四之應而四為三所隔終无尤 六二九三之所即以為次也因三之資以隷初六故 日斯其所取类也 而无依隷於六二役於九三三焚二次拜以及初故 一旅即次懷其資得童僕貞象曰得童僕貞終无尤

也得其資斧心未快也 九四旅于處得其資斧我心不快象曰旅于處未得位 資斧所以除荆棘治次舍也九四剛而失位所乘者 焚二以取初則一舉而兩失之矣 下初六也六二我之次也而初隸於二懷二而并有 九三有斧而无地者也故處而心不快 之則初亦我之童僕矣九三以剛居上見得而忘義

矣以旅與下其義喪也

· 敢定四事全書

易傳

六

六五射雄一天亡然以譽命象日終以譽命上逮也 旅在上其義焚也喪牛于易終莫之聞也 上九鳥焚其巢旅人先笑後號咷喪牛于易凶象曰以 射則夫二陽者皆可以其功譽而爵命之非獨得四 居二陽之間可以德懷不可以力取如以一矢射兩 九三次於六二之上上九巢於六五之上皆以剛臨 可以及上也 理无兼獲得四則失上矣若不志於取亡矢而不

一文已日日 九十二 君子和而不同以異繼異小人之道也无施而可故 號明之凶者六五旅之主也離之象曰畜牝牛吉六 五之謂牛矣易五以喪牛然莫之聞者驕亢之罪也 上九焚其巢其為不義一也而三止於貞属上至於 柔六二六五皆无應而在我下其勢必與我上九九 三知其无應而必我與也故易而取之九三焚其次 |異上異小亨利有攸往利見大人彖曰重異以申 易傳

利見大人 剛異乎中正而志行柔皆順乎剛是以小亨利有攸往 乎剛是以小亨言必順二五而後亨也利有攸往為 得志也權雖在初與四而非用事之地故曰柔皆順 在馬故日剛巽乎中正而志行言必用初與四而後 二五用也利見大人見九五也有其權而无其位非 所以為異者初與四也二五雖據用事之地而權不 用於申命而己

卷六

10 11 2 M 1 11 志治也 泉日隨風異君子以申命行事 初六進退利武人之自衆日進退志疑也利武人之自 退也小人而權在馬則易謂之武人武人負其力而 初六有其權而无其位九二九三之所病故疑而進 者必反覆申明之然後事必行 中重也兩風相因是謂隨風中命之象也古之為令 易事

九五之大人孰能容之

中也 九二異在狀下用史巫紛若吉无咎象曰紛若之吉得 下下之而求用也初六武人也方且進退我則下之 九二以陽居陰能下人者也知權在初六故異於狀 而求其用故求者紛然而用者不力譬之用史巫將 不貞於君志亂也及其治也則以貞於其若為利 吉而後无各紛然而求人者非吉之道也其所以 求福於神神之降福未可知而史巫先享其利也

页四周全量 |

六四悔亡田獲三品象曰田獲三品有功也 九三頻異在象日頻異之各志窮也 六四有其權而无其位者與初六均也盖亦居可疑 止初六之為巽也故頻巽 六三不能止初九之為復也故頻復巽之九三不能 下之則心不服制之則力不能故頻蹙以待之復之 吉者居得其中用事之地也 九三以陽居陽而非用事之地也知權之在初六也

更た 足り 車 白 島

易傳

吉泉日九五之吉位正中也 九五貞吉悔亡无不利无初有終光庚三日後庚三日 為克君之庖君子不勞而獲三品其與史巫之功亦 者盡力以獲禽而利歸於若一為乾豆二為實客三 九五榎正中之位進不頻蹙以忌四退不過異以下 九五不求而六四自求用故其用也力譬之於田田 之地矣而有九五以為之主坦然以正待之故悔亡

喪其資斧正乎凶也 上九巽在狀下喪其資斧貞凶象曰巽在牀下上窮也 而上九之巽將以圖六四也有用斧之意焉特以處 九陽亢於上非能下人者也九二之異將以用初六 且悔亡而无不利无不利者四與五皆利也九五之 如此故有後庚之終吉 一以陽居陰上九處巽之極故皆巽於狀下而上 易專

之蓋貞而已矣此四所以心服而為之用也是以吉

鱼 難民忘其死說之大民勸矣哉 泉曰麗澤兒君子以朋友講習 貞是以順乎天而應乎人說以先民民忘其勞說以犯 || 兒戶兒亨利貞家日兄說也剛中而柔外說以利 定匹库全書 之則凶 取其樂而不流者也 於无位之地故喪其斧也以上下言之則正以勢言 小惠不足以勸民 

六三來兒凶衆曰來兒之凶位不當也九四商兒未寧 亡象日字兒之吉信志也 初九和兒吉象曰和兒之吉行未疑也九二孚兒吉悔 不予所以信於初九也 之矣故必有以自信於初九者而後悔亡文予而實 非以為利也初九以遠之而无嫌至九二則初九疑 而初九九二君子也君子之說於小人將以有所濟 和而不同謂之和兒信於其類謂之字兒六三小人 る事

金定匹庫全書 曰上六引兒未光也 九五字于剝有厲象曰字于剝位正當也上六引兌象 介疾有喜象日九四之喜有慶也 者也故日商兒未寧介疾有喜言疾去而後有喜也 美疾不如惡石九四介於其間以剛輔五而議二陰 疾去而後有喜則易之所謂慶也 九五兒之主也上有上六下有六三皆其疾也傳曰

六三上六皆兒之小人以陰為質以說為事者均也

飲 定四車全書 哉雖然其心蓋不知而賢之非說其小人之實也使 剝者五陰而消一陽也上六之害何至於此日九五 引之而後至也其心難知其為害深故九五字于剝 以正當之位而字於難知之小人其至於剝豈足怪 此小人之託於无求以為兒者也故曰引兒言九五 淺故二陽皆吉而六三山上六超然於外不累於物 六三履非其位而處於二陽之間以求說為兒者故 日來兒言初與二不招而自來也其心易知其為害 - 易傳

來而不窮柔得位乎外而上同王假有廟王乃在中也 利涉大川乘木有 功也 世之方治也如大川安流而就下及其亂也潰溢四 出而不可止水非樂為此蓋必有逆其性者泛溢而 不光何也曰難進者君子之事也使上六引而不兒 則其道光矣

知其實則去之矣故有属而不必然則上六之所以

一飲定四庫全書 之心始有所繁矣剛來而不窮者九二也柔得位乎一 争而自為長久之計宗廟既立享帝之位定而天下 危而不偷者衆之所恃也先王居渙散之中安然不 享于帝立廟何也日犯難而争民者民之所疾也處 營四方之不暇而其象曰王假有廟其象曰先王以 導之渙之為言天下流離渙散而不安其居此宜經 馬古之善治者未當與民争而聽其自擇然後從而 不已逆之者必衰其性必復水將自擇其所安而歸 易傳 ナニー

吉象日初六之吉順也 象曰風行水上淡光王以享于帝立廟初六用拯馬北 川有川而後可涉來木來舟也舟之所行川之所在 後可以涉大川於是凝始有所歸矣有所歸而後有 也然猶未免乎渙王假有廟謂五也王至於有廟而 外而上同者六四也澳之得民惟是二者此所以亨 九二在险中得初六而安故曰用拯馬壯吉明夷之

T. R. D LOT A ALLO : 六三漢其躬无悔象曰漢其躬志在外也 九二渙奔其机悔亡象日渙奔其机得願也 忠順之至也 與之世民无常主六三有應於上志在外者也而近 得初六而安是謂机也 馬不以自乘而以拯九二之險故象皆以為順言其 於九二二者必爭焉故渙其躬无所適從惟有道者 六二有馬不以自乘而以拯上六之傷漢之初六有 易傳 十四一

光大也 六四漢其學元吉漢有丘匪夷所思象曰漢其學元吉 可收之漸其德大者其所奉也大其德小者其所奉 也小小者合于大大者合于一是謂渙其羣也近五 而得位則四之所奉者最大也因君以得民有民以 上六之有六三者以應也九五之有六四九二之有 是予而後安 初六者以近也皆有以羣之渙而至於羣天下始有

卷六

九五溪汗其大號溪王居无各象曰王居无各正位也 天下始知王之所在矣故曰漢王居言漢之中有王 中也渙然之中不知其熟為臣熟為主至於有廟而 號令出馬其曰渙王居何也彖曰王假有廟王乃在 汗取其周浹而不反也宗廟既立享帝之位定而大 者也彼方不知其所從而我則為丘以聚之豈夷者 之所思哉民之所思思夫有德而争民者也 自封殖是謂立也夷平也民之湯湯焉未有所適從 易等

中 上九溪其血去逐出无咎象曰溪其血遠害也 ■境上節亨苦節不可貞家日節亨剛柔分而剛得 居矣 剛柔分者兒下而坎上也剛得中者謂二五也此所 猶未免也故去而遠出然後无咎 上九求六三必與九二争而傷馬漢其血不争也九 一剛來而不窮不可與争者也雖不争而處争之地

金定四庫在言

有水節君子以制數度議德行 欠己日事全書 天地節而四時成節以制度不傷財不害民衆日澤上 告節不可負其道窮也 說以行險當位以節中正以通 數度者其政事也德行者其教化也皆所以為民物 謂九二也兒施節於收故曰說以行險 謂六三也 易傳 +

以為節亨也

出門庭山東曰不出門庭山失時極也 初九不出户庭无各象曰不出户庭知通塞也九二不 之節也 莫言无節者不識事之會或失則早或失則莫也澤 節詩東方未明刺无節也其詩曰不能晨夜不風則 節者事之會也君子見吉凶之幾發而中其會謂之 在澤初九九二六三澤也節人者也六四九五上六 上有水節以澤節水者也虚則納之滿則流之其權

六三不節若則嗟若无咎東曰不節之嗟又誰咎也 7) 1.1 J. J. J. J. 當通也至是而不通則失時而至於極六三是也是 不密則失身幾事不密則害成 禍福之交成敗之決也故孔子曰若不密則失臣臣 澤當塞而不當通既至當通而不當塞故初九以不 出户庭為无咎言當塞也九二以不出門庭為凶言| 水也節於人者也節之於初九則太早節之於六三 則太莫故九二者施節之時當發之會也水之始至! 易傳 <del>+</del>も...

六四安節亨衆日安節之亨承上道也 九五甘節吉往有尚衆曰甘節之吉居位中也 各者知六三之不得己也嗟者不得己之見於外者 嗟見節者苦焉苦節者人之所不能堪而人終莫之 節之者樂見節者甘馬六三之節節於既溢節之者 咨嗟而節之以為不可不節也九二之節節於未滿 九二施節於九五在其上不在其身故六四安焉

一金定四庫全書

上六苦節貞凶悔亡象曰苦節貞凶其道窮也 争之中此九五之所樂也故曰甘節樂則流甘則壞 易有凶而无咎者大過之上六困之九二是也則未 畜而至於極然後節之其節也必争九二施節於不 有凶而能悔亡者亦如人之未有既死而病愈者也 故以往適上六陰陽相配甘苦相濟為吉也 以知節者在坎而見節者之在兒也六三施苦節於 上六貞凶悔亡者何也凶者六三悔亡者上六也是

たこう

è

2. d. . 100

易傳

内而剛得中說而異字乃化邦也 金万口河川川 異上中字豚魚吉利沙大川利貞家日中字柔在 能化也羽蟲之字也必柔內而剛外然則頤曷為不 我出於不得已則无咎以是為正則凶矣而我悔亡 然後為中字也剛得中則正而一柔在外則静而久 中学也日內无陽不生故必柔內而剛外且剛得中 中字信也而謂之中字者如羽蟲之字有諸中而後 此羽蟲之所以 孚天之道也君子法之行之以說輔

12 2 1 2 1 1 1 V 利涉大川來木舟虚也 豚魚吉信及豚魚也 虚以明此巽之功也以巽行兌乘天下之至順而行 木道乃行漢之彖曰乘木有功中字之彖曰乘木舟 易至於巽在上而云游川者其言必及木益之彖曰 皆吉則其信也至矣 信之及民容有偽其及豚魚不容有偽也至於豚魚 之以異而民化矣 易傳 十九

初九虞吉有它不燕家曰初九虞吉志未變也 東日澤上有風中学君子以議獻緩死 中学以利貞乃應乎天也 金贝四周全書 虞戒也燕安也六四初九之應也而近於五為五所 化邦之時不可以用刑 學所謂它也六 四不專於應而有心於五其色不安 天道不容偽 於人之所說必无心者也舟虚者无心之謂也 卷六

其子和之中心願也 九二鳴鶴在陰其子和之我有好爵吾與爾靡之象曰 静而久而初九六四六三上九有應而相求九五元 應而求人者也皆非所謂正而一静而久者也惟九 此中字也而文未有能中字者也中字者必正而 於爭矣故吉 此必變者也初九及其未變而戒之不輕往應則這 一以剛復柔伏於二陰之下端惑无求而物自應焉 J. 1... 易傳

2

六三得敵或鼓或罷或泣或歌象曰或鼓或罷位不當 JB \_ 得敵也得敵而躁躁而失常故或鼓或罷或泣或歌 不求三而三求之求之必過五五无應而寇我故曰 六三 優非其位雖應在上九而上九非下我者也上 辭也彼求我而我不求之之謂也 能使之者也我有好爵吾與爾靡之有爵者求我之 故曰鳴鶴在陰其子和之鶴鳴而子和者天也未有 5四月全書

六四月幾望馬匹亡无各象曰馬匹亡絕類上也 九五有字擊如无咎象日有字擊如位正當也 有字者六四也自五言之則以得四為无咎非應而 類五也四與五皆巽也故得稱類 也故必捨五而從初如有二馬而亡其一然後无咎 初九以應而從我九五以近而擊我一陰而當二陽 之求盛之至也故曰月幾望月幾望者非四之所任 り事

一 金定四庫全書 上九翰音登于天貞凶象曰翰音登于天何可長也 ||震上小過亨利負可小事不可大事飛鳥遺之音 正故曰貞凶 而求信者也故曰翰音登于天九二在陰而子和上 雞之類是也處外而居上非中字之道雅而求顯鳴 翰音雅且鳴者也凡羽蟲之雅且鳴者其雅不長雄 求從必擊而後固特以其位當是以无咎也 飛鳴而登天其道蓋相反也惟不下從陰得陽之

次至日車 de delo 1 不宜上宜下大吉桑口小過小者過而亨也 柔得中是以小事吉也剛失位而不中是以不可大事 過以利負與時行也 然也 否矣 者君弱而臣強之世也小者過而亨則大者失位而 陰自外入據用事之地而囚陽於內謂之小過小過 **录之所謂利貞則象之所謂過乎恭儉與哀者時當** 易傳 主

下順也 有飛鳥之衆馬飛鳥遺之音不宜上宜下大吉上逆而 A) 作也故雅高之制在翼鳥之雅也上窮而忘返其身 內其腹背也翼欲往腹背不能止翼欲止腹背不能 小過有鳥之象四陰據用事之地其翼也二陽囚於 小過者臣强而專小事雖專之可也 遠矣而獨遺其音臣之僣也必孤其君遠其民使其

乎儉 初六飛鳥以凶象曰飛鳥以凶不可如何也 象日山上有雷小過君子以行過乎恭喪過乎哀用過 下上則无民而主孤下則近民而君强也 下順也小過之世其臣則逆而其民順故不宜上宜 後得志故曰雅鳥遺之音不宜上宜下大吉上逆而 小過之君弱是以臣子痛自貶以張君父也 F

君如雅鳥之上窮使其民聞君之聲不見其形也而

六二過其祖遇其此不及其君遇其臣无咎象曰不及 其君臣不可過也 左右之口以雅鳥見以於翼欲左而左欲右而右莫 當强臣六二以陰居陰臣強而不偕者也大過以夫 卦合而言之小過者臣强之世也爻别而觀之六五 也皆寄之於初上者本末之地也春秋傳曰凡師能 大過之棟小過之飛鳥皆以為一卦之泉而其於文 如之何也故凶

超定四

库全書

المداد الما الما و الما الما 九三弗過防之從或我之凶象曰從或我之凶如何也 六二也然而於祖曰過於君曰不及者以見臣之不 者也故小過之世君弱而不能為政臣得專之者惟 幸而過其祖矣而猶遇其如如未有不助祖者也不 幸而不及其君矣而猶遇其臣臣未有不忠於其君 父言之而小過臣强故為臣子之辭其義一也曰不 妻為君臣而小過寄之祖與妣者大過君驕故自君 可過其君也 易傳

之位不當也往属必戒然不可長也 九四无各弗過遇之往属必戒勿用永貞象曰弗過遇 疑之故或從而我其君謂之我者以明二本无意於 也故曰弗過防之從或我之凶言六二弗過而九三 故也六二强臣也而未之過九三剛而不中莫能容 我或 日我我者其所從來有漸而我者一朝一夕之 與二也四之所臣者五與上也春秋臣弑其君故曰 過陽失位而不中故其君在三四三之所臣者初 卷六

雨已上也 六五密雲不雨自我西郊公弋取彼在冗象曰密雲不 雲而終不為雨次于西郊而不行豈真不能哉其謀 已上者其勢不可復下之辭也六五之權足以為密 往從五危而非正不可長也 故曰弗過遇之往厲必戒勿用永貞言九四失位而 自甲臣雖弗過我則開之遇逢也臣未借而逢其惡

逆咎在三也九四以陽居陰可謂无咎矣然而失位

上六弗遇過之飛鳥離之凶是謂炎青泉曰弗遇過之 至於是則亢而不可復返也故曰弗遇過之言君雖 取其在尤者以自明於天下而天下信之矣 深謀也當是時也必有完其間而為之用者故戒之 益而不取總畜以自厚持滿而不發者凡皆以遂其 日公弋取彼在完君子之居此尚无意於為盗莫若 深也強臣之欲為變也憂在內是故見利而不為見

|飲定四庫全書 |

亨也 K AL D and La Line ||| 敢上既濟亨小利貞初吉然亂彖曰既濟亨小者 凡陰陽各安其所則静而不用將發其用必有以蘊 其所從來遠矣而憂患集於我非我失政而遭其凶 者天禍也故曰飛鳥離之凶是謂英青 之者水在火上火欲炎而不達此火之所以致其怒 也陰皆乘陽陽欲通而不遂此陽之所以奮其力也 易傳

不逢其惡而臣自惜也離遭也君失其政而臣得之

初吉柔得中也終止則亂其道窮也 利真剛柔正而位當也 坎上而離下剛柔正也陰皆居陰陽皆居陽位當也 既濟也故曰既濟亨小者亨也言小者皆在上而亨 大者皆在下而否也 大致其怒雖險必達陽奮其力雖難必遂此所以為 柔皆乘剛非正也以濟則可既濟則當變而反其正 剛柔正而位當則小者不可復進以負為利也

牙巴屋 白雪

初九曳其輪濡其尾无各象曰曳其輪義无各也 象曰水在火上既濟君子以思患而豫防之 濟者皆自内適外故既濟未濟皆以初為尾以上為 者也故无咎 首曳者欲行而未進之象也初九方行於險未畢濟 二婦喪其弟勿逐七日得象日七日得以中道也 既濟者難平而安樂之世也憂患常生於此 以此終焉止而不變則亂矣

う

歃 未當不旋踵而敗也既濟交交皆有應六二六四居 爭爭則動動則无所不至君子居之以至静受之以 定四庫全書 其弗其夫必怒而求之求未必得而婦先見疑近其 之配也或者欲間之故竊其弟弟者婦之敬也婦喪 廣大雖有好亂樂禍之人欲開其端而人莫之子蓋 安樂之世人不思亂而小人開之開之有端必始於 婦者先見詰怨怒並生而憂患之至不可以勝防矣 二陽之間在可疑之地寇之所謀而六二居中九五

徳也 九三高宗伐思方三年克之小人勿用象曰三年克之 遇風雖厲民以犯難可也及其既濟已出於難則上 未濟方其未出於難也上下一心譬如胡越同舟而 之用其民也易以致怨而下之為其上用也易以致 日得 下晏然非盗者各安其位而盗者敗矣故曰勿逐七

故凡竊吾弟者利在於吾之逐之也吾恬而不逐上

飲定四車全書 一

易傳

テハ

宗之賢三年而後克之者既濟之世民安於无事而 皆强故曰高宗伐思方以見三之為五用也雖以高 於伐思方雖三年之久未見其克不克也而猶賞之 為之臣有震主之威者也其威不用之於主而用之 既濟之九三以是為應也未濟之主在六五而九四 疑故未濟之九四震用伐思方三年有賞于大國而 而主亦疑其臣矣既濟之九三以九五為主臣主 大國者以難未平也若出於難則臣必用其威於

殺牛不如西鄰之時也實受其福吉大來也 六四總有衣御終日戒象曰終日戒有於疑也 九五東鄰殺牛不如西鄰之倫祭實受其福衆曰東鄰 (T) (T) (T) 總當作濡衣如所以備舟隙也四居二陽之間而不 矣 哉有功斯國之矣而既濟則小人勿用盖已疑其臣 不可用也未濟之賞以大國也豈當問其君子小 得故備且我如是也卦以濟為事故取於舟 易傳 二九

上六濡其首属象曰濡其首属何可义也 金只口尼台雪 東西者彼我之辭也祭未有不殺牛者而云殺牛不 時特殺而祭以永福者也小人以為榆祭常事不足 如禴祭何也曰禴祭時祭也國之常事而殺牛者非 安有其福故聖人以為既濟之主在於守常安法 已求功名於法度之外則易之所謂殺牛也 致福故以非時殺牛而求之而不知時祭之福不 而大來也人之情在難則厭事而无難之世常不

於定四車全書! 小孤汽濟未出中也濡其尾无攸利不續終也 亨柔得中也 ##故下未濟亨小孤汽濟為其尾无攸利家曰未濟 温而可以濟坎在離下則水涸而火安於上不進之 **坎在離上則水溢而火怒於下必進之象也是以雖** 未濟陽皆乘陰上下之分定未可以有為也汽涸也 謂六五也 既濟之上六畢濟之時也而以陰居之未免於危也 易傳 弄

雖不當位剛柔應也 陰輕進而九二不予是以六三征凶初六濡其尾雖 有智者不能善其後故曰不續終也 九二亦病矣故无攸利見易而輕犯之遇難而退雖 可濟也是謂小孤治濟而九二君子也以為不可曳 人見其小者近者初六六三小人也見水之涸以為 輪而不追則小孤安能獨濟哉是謂未出中也二

象也是以雖涸而不可以濟君子見其遠者大者小

初六濡其尾谷象曰濡其尾亦不知極也 象曰火在水上未濟君子以慎辨物居方 九二曳其輪貞吉東日九二貞吉中以行正也 易二三四五皆失位惟未濟與歸妹也故皆无攸利 水火相射極乃致用故濟必待其極汽濟非其極也 辨物居方以待其會 而歸妹又征凶者剛柔不應也 上下方安其位而不樂於進取則君子慎静其身而

- 1 1. 1. I W

易傳

丰

六三未濟征凶利涉大川象曰未濟征凶位不當也 쉷 外若不行中以行正也 未濟非不濟也有所待之辭也蓋將畜其全力一 定匹庫全書 ] 六三見水之涸幸其易濟而驟用之後有大川則其 之於大難大難既平而小者隨之矣故曰利涉大川 卷六 用

用廢矣故曰征凶見涸而濟者初與三均也初各而

九四負吉悔亡震用伐思方三年有賞於大國象日貞

已三至於凶位不當也

次至日華 4 45 古也 六五貞吉无悔君子之光有字吉象曰君子之光其暉 皆剛莫能相用將求用於我之不暇非謀我者也故 光出於形之表而不以力用君子之廣大者也下有 震主者悔也自於主而用於敵所以悔亡也 九二其應也旁有九四上九其鄰也險難未平三者 九四有震主之威苟不用於思方則无所行其志矣 易傳

吉梅亡志行也

首亦不知節也 上九有字子飲酒无咎濡其首有字失是象日飲酒濡 用我也我則飲酒而已何也将安以待其會也故无 未濟之可以濟者惟是也險難未平六五信我將以 節事之會也是是時也至於是而不濟然不濟也故 各上九之謂首濡其首者可濟之時也若不赴其節 六五信是三者則三者為之盡力而我无為此貞吉! 无悔君子之光也

